

官板

唐六典

四

東 京 圖 書 館			
政	別	五	漢
書	函	二	書
門	類	八	門
冊	號	架	類

漢 書 門			
五	九	八	三
冊	架	函	號
類	冊	架	函

內 閣 文 庫			
五	九	八	三
冊	架	函	號
類	冊	架	函

不許帶出

內 閣 文 庫			
番 號	漢	5983	
冊 數		8 (4)	
函 號		293	71



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





大唐六典殿中省卷第十一

唐 元宗御 撰



集賢院學士兵部尚書兼中書令修國史上柱

國開國公臣李林甫等奉 敕注上

殿中省 五人

監一人 一人

尚少監二人

丞二人 二人

主事二人

令史四人 一人

書令史十二人

亭長八人

掌固八人

尚食局二人

奉御二人

直長五人

書令史二人

書吏四人

食醫八人

大膳主食十六人



主膳七百人

掌固八人

尚藥局

奉御二人

直長四人

書令史二人

書吏四人

侍御醫四人

主藥十二人

藥童三十人

司醫四人

醫佐八人

按摩師四人

呪禁師四人

合口脂匠二人

掌固四人

尙衣局

奉御二人

直長四人

書令史三人

書吏四人

主衣十六人

掌固四人

尙舍局

奉御二人

直長六人

書令史三人

書吏七人

掌固十人

幕士八千人

尚乘局

奉御四人

直長十人

書令史六人

書吏十四人

奉乘十八人

習馭五百人

掌閑五千人

進馬六人

司庫一人

司廩二人

典事五人

獸醫七十人

掌固四人

尚輦局

奉御二人

直長四人

書令史二人

書吏四人

掌扇六十人

掌翰三十人

掌輦二人

主輦四十二人

奉舉十五人

掌固六人

殿中省監一人從三品

魏氏初置殿中監品第七晉宋因之齊有內殿中監八人

外殿中監八人梁初位不登七班者別署勳位勳位殿中外監為三品勳位內監為三品勳位陳因之然其官甚微後魏殿中監從五品下北齊門下省屬官有殿中監四人掌駕前奉引行事東耕則進耒耜隨改為殿內局監二人品正第六下大業三年分門下省尚食尚藥御府殿內等局分太僕寺車府驛驢等署置殿內省監正四品少監從四品丞從五品各一人掌諸供奉又有奉車都尉十二人掌進御輿馬統

尚食尚藥尚舍尚衣尚乘尚輦等六局皇朝因改為殿中省龍朔二年又改為中御府監為中御大監咸

亨元年復舊

少監二人從四品上

隋煬帝置一人從四品皇朝加至二人龍朔成亨隨省改復

丞二人從五品上

隋煬帝置一人從五品皇朝加至二人龍朔二年改為中御大夫咸

亨元年復故

主事二人從九品上

隋煬帝置皇朝因之

殿中監掌乘輿服御之政令總尚食尚藥尚衣尚乘

尚舍尚輦六局之官屬

舊屬官又有天藏府備其禮

物而供其職事少監為之貳凡聽政則率其屬執繖

扇以列於左右凡大祭祀則進大圭鎮圭於壇門之

外既事受而藏之凡行幸則侍奉於仗內若遊燕田
 閱則驂乘以從焉今內別置閑廐使其務多分殿中及太僕之事至於輿輦車馬則使掌其內監知其外游燕侍奉皆不與焉若元正冬至大朝會則跪而進
 爵若合和御藥則監視而嘗之

丞掌判監事兼勾檢稽失省署抄目

主事掌印及知受事發辰

尚食局奉御二人正五品下

周禮有膳夫內饗秦置六尚有尚食之名如淳

以為主天子物曰尚漢因之後遂省并其職於太官湯官至北齊門下省統六局尚食局有典御二人丞監各四人又有集書省統三局有中尚食局典御二人監四人品與尚食同後周有司膳上士二人中士四人凡進食必先嘗之至隋開皇初門下省統尚食局有典御二人直長四人食醫四人大業三年分屬

殿內改典御為奉御員二人正五品上皇朝因之龍朔二年改為奉膳大夫咸亨元年復故

直長五人正七品上

隋開皇初置直長四人從七品下大業三年加置六人增品為

正第七上皇朝因之減置五人

食醫八人正九品下

周禮有食醫中士二人掌和王之六食六飲六膳百羞百醬八

珍之齊隋尚食局有食醫皇朝加至八人後周置主食主膳等皇朝因之

主食十六人後周內膳有主食十二人

尚食奉御掌供天子之常膳隨四時之禁適五味之

宜春肝夏心秋肺冬腎四季之月脾皆時王不可食五味酸鹹甘苦辛當進食必先嘗

凡天下諸州進甘滋珍異皆辨其名數而謹其儲供

直長為之貳凡元正冬至大朝會饗百官與光祿視

其品秩分其等差而供焉其賜王公已下及外方賓客亦如之若諸陵月享則於陵所視膳而獻之諸陵須上

食陵別殿中省主膳三十人分番上下每季差官相監於陵所造食供進

食醫掌和齊所宜

主食掌率主膳以供其職

尚藥局奉御二人正五品下

自梁陳後魏以往皆太醫兼其職北齊門下省

統尚藥局有典御二人侍御師四人尚藥監四人總御藥之事又集書省統三局有中尚藥局典御二人

丞二人中謁者僕射二人總知中官醫藥之事隋門下省中尚藥局典御二人正五品下侍御醫四人正

七品上直長四人正七品下醫師四十人大業三年分屬殿內改為奉御皇朝因之龍朔二年改為奉醫

大夫咸亨元年復舊

直長四人正七品上

隋置四人正七品下煬帝加為正七品上皇朝因之

侍御醫四人從六品上

北齊尚藥局有侍御師四人皇朝因之

主藥十二人藥童三十人

漢有藥丞主藥後周有主藥六人隋有主藥四人藥

童二十四人

司醫四人正八品下

隋大業中置皇朝因之

醫佐八人正九品下

隋大業中置皇朝因之

按摩師四人

隋有按摩師一百二十人皇朝減置

咒禁師四人

皇朝初置

合口脂匠二人

皇朝初置

尚藥奉御掌合和御藥及診候之事直長為之貳凡

藥有上中下之三品。上藥為君養命以應天。中藥為臣養性以應人。下藥為佐療病以應地。遞相宣攝而為用。凡合藥宜用一君三臣九佐。方家之大經也。必辨其五味三性七情。然後為和劑之節。五味謂酸鹹甘苦辛。酸屬肝。鹹屬腎。甘屬脾。苦屬心。辛屬肺。三性謂寒溫平。七情謂有單行者。有相須者。有相使者。有相畏者。有相惡者。有相反者。有相殺者。其用又有四焉。曰湯丸膏散。視其病之淺深所在而服之。診脈辨寸關尺三部。以調四時沈浮滑澁之節。而知病之所在。在胃膈者先食而後服。藥在心腹者先服藥而後食。凡合和御藥。與殿中監視其分劑。藥成先

嘗而進焉

合藥供御門下中書司別長官一人。并當上大將軍衛別一人。與殿中監尚藥奉御

等監視藥成。醫佐以上先嘗。然後封印。寫本方。方後具注年月日。監藥者徧署名。俱奏。餌藥之日。尚藥奉御先嘗。次殿中監嘗。次皇太子嘗。然後進御。

侍御醫掌診候調和

司醫醫佐掌分療眾疾

主藥藥童掌刮削擣篩

按摩師咒禁師所掌如太醫之職

尚衣局奉御二人從五品上

周禮有司服中士二人。掌王吉凶衣服。辨其名

物。與其用事。戰國有尚衣尚冠之職。秦漢少府屬官。有御府令丞。掌供御服。後漢有掌冠者。典官婢。作中衣服。及補浣之屬。魏因之。晉屬光祿勳。東晉省。宋大明中。改尚方曰左右御府。各置令丞一人。後廢。帝初

省御府置中署隸右尚方其後又置至齊高祖省文帝又置初宋氏用三品勳位明帝改用二品淮南臺御史掌金銀綵帛凡諸造作以供奉及妃主六宮梁陳無御府其職隸在尚方後魏有掌服即從六品上北齊門下省統主衣局都統子統各二人後周有司服上士二人中士二人隋門下省有御府局監二人大業三年分屬殿內省其後又改為尚衣局皇朝因之龍朔二年改為奉冕大夫咸亨元年復舊

直長四人正七品下隋改御府為尚衣局始置直長領主衣皇朝因之

主衣十六人隋置皇朝因之

尚衣奉御掌供天子衣服詳其制度辨其名數而供其進御直長為之貳凡天子冕服十有三一曰大裘冕二曰衮冕三曰鷩冕四曰毳冕五曰絺冕六曰元冕七曰通天冠八曰武弁九曰弁服十曰黑介幘十

一曰白紗帽十二曰平巾幘十三曰翼善冠大裘冕

無旒冕廣八寸長一尺六寸元表纁裏以金飾玉簪下廣狹准此

導以組為纓色如其綬裘以黑羔皮為之元領青襟

緣朱裳白紗中單皂領青襟襪裾革帶玉鉤釵大帶

素帶朱裏紕其外上以朱下以綠紐約用組鞞鞞蔽膝也凡鞞皆隨裳色鹿盧玉具劍

火珠鏢首白玉雙珮元組雙大綬六綵元黃赤白縹

綠繩元質長二丈四尺五寸首廣一尺小雙綬長二尺六寸色同

大綬而首半之朱韞赤舄祀天神地祇則服之

衮冕垂白珠十有二旒以組為纓色如其綬黻纁充

耳玉簪導元衣纁裳十二章八章在衣日月星辰山龍華蟲火宗彝其四章

在裳藻粉米黼黻衣襟山龍以下每章一行重以為

領為昇龍皆織成爲之等每行十二白紗中單黼領青襟襪裾黻革帶大帶

劔玉珮綬鞵與上同鳥加金飾享廟謁廟及廟遣上

將征還飲至踐祚加元服納后若元日受朝及臨軒

冊拜王公則服之

鷩冕服七章三章在衣華蟲火宗彝餘同衮冕有事

遠主則服之

毳冕服五章三章在衣宗彝藻粉餘同鷩冕祭海嶽

則服之

絺冕服三章一章在衣粉米餘同毳冕祭社稷帝社

則服之

元冕服衣無章裳餘同絺冕蜡祭百神朝日夕月則

服之

通天冠加金博山附蟬十二首施珠翠黑介幘髮纓

翠綉玉若犀簪導絳紗袍白紗中單朱領襖白裙襦

亦裙絳紗蔽膝白假帶方心曲領其革帶劔珮綬與

上同白鞵黑舄若未加元服則雙童髻空頂黑介幘

雙玉導加寶飾諸祭還及冬至受朝元會冬會則服

之

武弁金附蟬平巾幘餘同講武出征四時蒐狩大射

馮類宜賞祖罰社纂嚴則服之

弁服弁以鹿皮為之有十二琪琪以白玉珠為之玉導簪絳紗衣素

裳革帶白玉雙珮鞶囊小綬白鞵烏皮履朔日則服

之黑介幘白紗單衣白裙襦革帶素襪烏皮履拜陵則

服之

白紗帽亦鳥紗白裙襦白鞵烏皮履視朝聽訟及燕見

賓客則服之

平巾幘金寶飾簪導冠支皆以玉紫褶亦白褶白袴玉具

裝真珠寶鈿帶著鞞乘馬則服之

翼善冠其常服及白練裙襦通著之若服袴褶則與

平巾幘通著已上並古服有事及見賓客則服之自

遂以隋文帝制柘黃袍及巾帶以聽朝至今凡天子之大圭曰珽長三尺鎮圭長尺有二寸

有事于郊廟社稷則出之于內將享至于中趨門則

奉鎮圭于監而進既事復受而藏之凡大朝會則設

御案朝畢而徹焉

尚舍局奉御二人從五品周禮有掌舍掌王行所止

府屬官有守宮令丞掌宮殿陳設魏殿中監掌帳設

監護之事晉宋以下其職並在殿中監隋煬帝置殿

內監改殿內局為尚舍局置奉御二人從五品皇

朝因之龍朔二年改為奉辰大夫咸亨元年復舊

直長六人正七品下隋煬帝置八人

皇朝減二人

直長六人正七品下隋煬帝置八人
皇朝減二人

幕士八千人皇朝置掌供御及
殿中雜張設之事

尚舍奉御掌殿庭張設供其湯沐而潔其灑掃直長

為之貳凡大駕行幸預設三部帳幕而古帳大帳次

帳小次帳小帳凡五等古帳八十連高二丈縱廣二
丈五尺前有五

梁後有七梁大帳六十連高一丈五尺縱廣
二丈前有四梁次帳四十連

高一丈三尺縱廣一丈五尺前有
三梁三帳皆朱蠟骨緋綢綾浮游覆之小次帳三十連

高一丈一尺縱
廣一丈二尺小帳二十連高八尺縱
廣九尺凡五等之帳

各三帳皆烏氊為表朱綾為覆下有紫幄
方座金銅行牀垂以廉其諸帳內外是為三部

又設六柱四柱三柱為垣墻之制皆青純為表朱帛為裏其外置排城以為蔽捍

焉排城重版為之每版皆
畫辟邪猛獸表裏漆之凡供湯沐先視其潔清芳

香適其寒溫而進焉凡大祭祀有事於郊壇則先設

行宮於壇之東南向隨地之宜將祀三日則設大次

于外壝東門之外道北南向而設御座若有事於明

堂及太廟則設大次於東門如郊壇之制凡致齋則

設幄於正殿西序及室內俱東向張於楹下凡元正

冬至大朝會則設斧辰於正殿施榻席及熏鑪若朔
望受朝則施幄帳於

正殿帳裙頂帶方濶一丈四尺

尚乘局奉御四人從五品上自秦漢以來其職皆在
太僕北齊太僕驛驛署

有奉乘十人管十二閑馬隋煬帝取之置尚乘局皇
朝因之增置奉御四人一人掌左六尉馬一人掌右

六閑馬一人掌粟草飼丁請受配給及勾勘出入破
 用之事一人掌鞍韉轡勒供馬調度及療馬醫藥料
 度之事龍朔二年改為奉駕大夫咸亨元年復故開
 元二十二年減二人先是別置閑廐使因隸焉猶屬
 中殿

直長十人正七品下隋煬帝置十四人皇朝因之開元二十三年減四人

奉乘十八人正九品下後魏有奉乘郎從五品下後周左右廐各有奉乘二十人

隋煬帝置尚乘局有奉乘十人皇朝加至二十四人每閑二人開元二十三年減六人

習馭五百人後周左右廐各有馭夫一百三十人皇朝加置習馭五百人掌調習六閑之馬

掌閑五千人皇朝置掌分飼養六閑之馬

司庫一人正九品下皇朝初置一人掌六閑庫物開元二十三年減

司庫二人正九品下皇朝置之

典事五人皇朝置掌六閑粟草

獸醫七十人周禮有獸醫下士掌療畜獸之疾病又

牧馬步之神養疾馬以藥攻馬疾也北齊內廐局有馬醫二人皇朝置獸醫掌療左右六閑之馬

尚乘奉御掌內外閑廐之馬辨其羸良而率其習馭

直長為之貳六閑一曰飛黃二曰吉良三曰龍媒四

曰駒駮五曰馱驄六曰天苑左右凡十有二閑分為

二廐一曰祥麟二曰鳳苑以繫飼馬今仗內有飛龍祥麟鳳苑鵝鸞

吉良六郡等六廐奔星內駒等兩閑仗外有左飛右飛左方右方等四閑東南內西北內等兩廐凡

御馬必敬而式之非因調習不得捶擊諸閑廐上細馬若欲調習

惟得廐內乘騎不得輒出習其進御制而為出入之禁隴右諸牧監使每年

簡細馬五十疋進其祥麟鳳苑廐所須雜給馬牛別
 簡麤壯敦馬一百疋與細馬同進仍令牧監使預簡
 敦馬一十疋別牧馬凡秣馬給料以時為差春冬日
 殿中須馬任取充給藁一
 圍粟一斛鹽二合秋夏
 日給青芻一圍粟減半凡外牧進良馬印以三花飛
 風之字而為誌焉細馬次馬送尙乘局者於尾側依
 左右閑印以三花其餘雜馬送尙
 乘者以風字印印右
 髀以飛字印印左髀

奉乘掌率習馭掌閑駕士及秣飼之法凡馭馬必視

其齒歷勞逸而調習之馬四年而兩齒五年而四齒
 六年而六齒成矣七年而右

一齒齟八年而上下兩邊各一齒缺九年而上下盡
 缺十年而下兩齒齟十一年而下四齒齟十二年盡
 齟十三年上下兩齒平十四年下四齒平十五年下盡
 平十六年上兩齒齟十七年上四齒齟十八年上盡
 齟十九年上兩齒平
 二十十年上四齒平

司庫掌鞍輿乘具

司廩掌藁秸出納

獸醫掌療馬病凡馬病灌而行之觀其病之所發療
 馬病有五勞一曰筋勞二曰骨勞三

曰皮勞四曰氣勞五曰血勞久步則生筋勞久立則
 生骨勞久汗不乾則生皮勞汗未差燥而飼飲之則
 生氣勞驅馳無節則生血勞有傷寒者
 有傷熱者有瘍者咸據經方以療焉

司輦局奉御二人從五品上周禮小司徒中大夫二
 人掌六畜車輦又中車

下大夫二人掌王后之五輅輦車組輓有翠羽蓋古
 謂人牽為輦春秋宋萬以乘車輦其母秦始皇乃去
 其輪而舉之漢代遂為人君之乘後漢有乘輿六輦
 魏晉小出則乘之及過江而亡大元中謝安率意而
 作及破苻堅得之形制無差大小如一時人嗟其默
 識宋武執慕容超獲金鉦輦古之輦輿大率以六尺
 為度齊武帝造大小二輦彫飾甚工下桐轅輓悉金
 花銀獸梁大輦中方八尺左右開四望金鸞樓輓隋

有六輦。大禮皆乘之。秦漢魏晉並太僕屬官車府令掌之。東晉省太僕。遂隸尚書駕部。宋齊梁陳車府乘黃令丞掌之。後魏北齊則乘黃車府令兼掌之。後周則司車輅主之。隋又乘黃車府令兼掌之。煬帝置殿內省尚輦局奉御二人。正五品。皇朝因之。為從五品上。龍朔二年。改為奉輦大夫。咸亨元年。復舊。

直長四人。正七品下。

隋煬帝置皇朝因之。又置掌扇掌翰等員。掌執扇及執紙筆視

雜供奉之事。

掌輦二人。正九品下。

皇朝初置四人。開元二十三年。減二人。又置主輦奉輦等員。掌

率主輦以供其事。

主輦四十二人。

皇朝置凡七輦。輦六人。

奉輦十五人。

皇朝置之。

尚輦奉御掌輿輦繖扇之事。分其次序。而辨其名數。

直長為之貳。凡大朝會。則陳於庭。大祭祀。則陳於廟。

輦有七。一曰大鳳輦。二曰大芳輦。三曰仙遊輦。四曰小輕輦。五曰芳亭輦。六曰大玉輦。七曰小玉輦。輦有三。一曰五色輦。二曰常平輦。其用如七輦之儀。三曰晉輦。則常御焉。凡大朝會及祭祀。

則出之於內。既事。復進而載之。凡繖扇。大朝會。則繖

二翰一。陳之于庭。

孔雀扇一百五十有六。分居左右。舊翟尾扇。開元初。改為繡孔雀。以

省。若常聽朝。皆去扇。左右各留其三。以備常儀。

崔豹古今

注曰。華蓋。黃帝所作也。與蚩尤戰於涿鹿之野。常有五色雲氣。金枝玉葉。止於帝上。有花蔕之象。故因作華蓋也。通俗文曰。張帛避雨謂之繖。蓋古今注曰。翟尾扇起於殷代。高宗有雉雉之祥。服章多用翟羽。周制以為王后夫人之車服。輿輦有翟。即緝翟羽為扇。翟以障蔽翳風塵也。

唐六典卷十一

[Faded bleed-through text from the reverse side of the page]

大唐六典內官宮官內侍省卷第十二 史四人

唐 元宗御 典撰 二人 掌監 二人 文史 六人

集賢院學士兵部尚書兼中書令修國史上柱

國開國公臣李林甫等奉 敕注上

內官 八人

惠妃 一人

麗妃 一人

華妃 一人

淑儀 一人

德儀 一人

賢儀一人

順儀一人

婉儀一人

芳儀一人

美人四人

內才八人

宮官

尚宮二人

司記二人典記二人掌記二人女史六人

司言二人典言二人掌言二人女史四人

司簿二人典簿二人掌簿二人女史六人

尚司闈六人典闈六人掌闈六人女史四人

尚儀二人典儀二人掌儀二人女史四人

司籍二人典籍二人掌籍二人女史十人

司樂四人典樂四人掌樂四人女史二人

司賓二人典賓二人掌賓二人女史二人

尚司贊二人典贊二人掌贊二人女史二人

彤史二人典史二人掌史二人女史二人

尚服二人典服二人掌服二人女史二人

司寶二人典寶二人掌寶二人女史四人

司衣二人典衣二人掌衣二人女史四人

尚司飾二人典飾二人掌飾二人女史二人

司仗二人典仗二人掌仗二人女史二人

尚食二人典贊二人掌贊二人女史二人

司膳四人典膳四人掌膳四人女史四人

司醞二人典醞二人掌醞二人女史二人

司藥二人典藥二人掌藥二人女史四人

司饔二人典饔二人掌饔二人女史四人

尚寢二人典寢二人掌寢二人女史四人

司設二人典設二人掌設二人女史四人

司輿二人典輿二人掌輿二人女史二人

司苑二人典苑二人掌苑二人女史二人

司燈二人典燈二人掌燈二人女史二人

尚功二人

司製二人典製二人掌製二人女史四人

司珍二人典珍二人掌珍二人女史六人

司綵二人典綵二人掌綵二人女史六人

司計二人典計二人掌計二人女史四人

宮正二人司正二人典正四人女史四人

內侍省

內侍四人

內常侍六人 五二人 典五四人 文吏四人

內給事八人 信二人 掌信二人 文吏四人

主事二人 典錄一人 掌錄二人 文吏六人

令史八人 典錄二人 掌錄二人 文吏六人

書令史十六人 二人 掌錄二人 文吏四人

內謁者八人

監六人 典錄二人 掌錄二人 文吏二人

內謁者十二人 二人 掌錄二人 文吏二人

內典引十八人 二人 掌錄二人 文吏二人

內寺伯二人

寺人六人

亭長六人

掌固八人

掖庭局

令二人

丞三人

書令史四人

書吏八人

計史二人

宮教博士二人

監作四人

典事十人

掌固四人

宮闈局

令二人

丞二人

書令史三人

書吏六人

內闈人二十人

內掌扇十六人

內給使無常員

掌固四人

奚官局

令二人

丞二人

書令史三人

書吏六人

典事四人

掌固四人

內僕局

令二人

丞二人

書令史二人

書吏四人

駕士一百四十人

典事八人

掌固八人

內府局

令二人

丞二人

書令史二人

書吏四人

典事六人

掌固四人

內官

春秋左氏傳曰不腆先君之嫡以備內官又曰內官不及同姓杜預曰謂嬪御也周官有夫人嬪世婦女御之位聽天下之內治漢晉以來雖有位號多不盡備隋氏法周官而悉置焉則立夫人嬪婕妤好美人才人寶林御女采女等充百二十位宮中復有六尚以備眾職謂之宮官皇朝因之今上天德薄施猶防女寵故省內官將以垂範而六尚仍舊焉

妃三人正一品

周官三夫人之位也古者帝嚳立四妃蓋象后妃四星其一明者后也至

舜不立正妃蓋但三妃而已謂之三夫人自夏殷已降復有立者視三公位雖云古制數頗繁焉其餘沿革事不經見隋氏依周官立三夫人皇朝上法古制而立四妃其位貴妃也淑妃也德妃也賢妃也今上以爲后妃四星其一后也既有后位復立四妃則失其所法象之意焉因省嬪婦女御之數改定三妃六儀美人才人四等共二十人以前官其位惠妃也麗妃也華妃也婦德婦容婦言婦功可以坐而論禮者則進無則闕焉

夫人佐后坐而論婦禮者也其於內則無所不統故不以一務名焉

六儀六人正二品

周官九嬪之位也夏后氏三夫人無聞至武帝始制婕妤嬪娥容華充衣數不至九其位在嬪後魏孝文改定內官隋氏因周官盡立其名秩皇朝初因之今上改制六儀之位以備其職焉

六儀掌教九御四德率其屬以贊導后之禮儀

一淑儀二

德儀三賢儀四順儀五婉儀六芳儀

美人四人正三品

周官二十七世婦之位也殷人因九嬪增以三九二十七列二十七世婦之位其制增損累代不恒前漢十四等後漢貴人才人雖列位號不依世婦之職隋氏因周官制婕妤好等二十七人皇朝初因之今上改置美人之位以備其職焉

美人掌率女官修祭祀賓客之事

才人七人正四品

周官八十一女御之位也周人因二十七世婦增以三二十七列八十一女御之位舊制沿革略同於上柱隋氏依周官制寶林御女采女等皇朝初因之今上改置才人之位以備其職焉

才人掌序燕寢理絲枲以獻歲功焉

宮官

周禮宗伯世婦每宮卿二人下大夫四人中士八人女府二人女史二人鄭元云世婦后宮官也

帝王后六宮女府女史女奴之有才智者魏略魏明帝游宴在內選下女子知書可付信者為女尚書省奏事晉令有崇德殿大監尚衣尚食大監並銀章艾綬二千石崇華殿大監元華食監都監上監銅印墨綬千石女史賢人蔡人使大使碧綸綬宋明帝留心後房擬外百官備置其職兩齊梁陳不見後魏後周亦擬外官置內職隋文帝置六尚六司六典以掌宮官之職六尚視從九品六司視勳品六典視流外二品煬帝改置六尚局職掌略同皆加其品秩一尚言局管司言掌宣傳啟奏司簿主名錄計度司正主格式推罰司關主門閣管鑰二尚儀局管司籍主經史教學司樂掌音律司賓主賓客司贊主贊相導引三尚服局管司璽主珠璽符節司衣掌衣服司飾主湯沐巾櫛玩弄等物司仗主仗衛戎器四尚食局管司膳主膳羞司醢主酒醴醢醢司藥主醫巫藥劑司膳主廩籩柴炭五尚寢局管司設主牀席帷帳鋪設洒掃司輿主輿輦扇織執持羽儀司苑主園圃種植蔬菜瓜果司燈主燈火六尚工局管司製主營造裁縫

司寶主金玉錢貨司綵掌繒帛司織掌織染六尚十二人從五品司二十八人從六品典二十八人從七品掌二十八人從九品女史流外量事而置多者十人皇朝內職多依隋制

尚宮局

尚宮二人正五品

司記二人正六品典記二人正七品掌記二人正八

品

司言二人正六品典言二人正七品掌言二人正八

品

司簿二人正六品典簿二人正七品掌簿二人正八

品

司闈二人正六品典闈二人正七品掌闈二人正八品

尚宮掌導引中宮總司記司言司簿司闈四司之官

屬凡六尚事物出納文籍皆印署之六尚須物外物之司受敕連署

牒仍取上宮押印司記錄自爲鈔出付內侍省受牒便移外司其五尚之印唯於當司宮內行用不得印

出外司記掌印凡宮內諸司簿書出入錄目審而付行焉

典記掌記佐之餘司二佐並准此

女史掌執文書餘女史准此

司言掌宣傳啓奏之事凡言敕處分承敕人宣付司言連署案記別鈔一本付門

司傳出若外司附奏受事人奏聞承敕處分傳付外司仍錄事目旨意亦連爲案

司簿掌宮人名簿廩賜之事

司闈掌宮闈管鑰之事

尚儀局

尚儀二人正五品

司籍二人正六品典籍二人正七品掌籍二人正八品

品

司樂二人正六品典樂四人正七品掌樂四人正八品

品

司賓二人正六品典賓二人正七品掌賓二人正八品

品贊二人正六品典贊二人正七品掌贊二人正八

品樂二人正六品典樂四人正七品掌樂四人正八

形史二人正六品石氏星經女史一星婦人之徵者周禮女史掌王后之禮職以詔后

禮內政統內官書內令后之事以禮從詩云靜女其

變貽我彤管毛傳曰古者后夫人必有女史彤管之

法后如羣妾以禮御于君所女史書其日月授之環

以進退之生子月辰以金環退之當御之者以銀環

進之著于左手既御著于右手事無大小記以成法彤管以赤心正人也

尚儀掌禮儀起居總司籍司樂司賓司贊四司之官

屬司籍掌四部經籍教授筆札几案之事

司樂掌率樂人習樂陳縣拊擊進退之事

司賓掌賓客朝見宴會賞賜之事

凡朝會司贊引客立于殿庭司言宣敕賜坐司

贊引升就席酒至起再拜食至亦起

尚服局

尚服二人正五品周禮內司服掌王后六服禕衣揄

彪續漢志皇后謁廟服紺上皂下蠶青上縹下皆深

衣制隱領袖緣以條結首飾步搖簪珥以黃金為山

題貫白珠為桂枝相繆八爵九華熊虎赤罷大鹿羣

邪南山豐大特六獸諸爵獸皆翡翠為毛羽金題白

珠璫繞以翡翠為華綬佩同乘輿魏晉宋齊梁陳略

同後魏北齊皇后璽綬佩同乘輿假髻步搖十二釧

八爵九華助祭朝會以禕衣郊禕以揄翟小宴以闕

翟親蠶以鞠衣見皇帝以展衣宴客以緣衣俱有蔽

膝織成緹帶後周皇后衣十二等翟衣六從祀郊禕

享先皇服鞞衣祭陰社朝命婦服禕衣獻繭服鶯衣

採桑服。頭衣。聽女教服。鶉衣。歸寧服。雉衣。以翟。雉為
 領。禮。臨。婦。學。燕。命。婦。會。衣。春。齋。祭。還。青。衣。桑。還。黃。衣。
 秋。祭。素。衣。冬。元。衣。因。其。禱。領。以。相。生。色。華。皆。十。二。樹。
 隋。初。皇。后。首。飾。花。十。二。樹。禕。衣。青。沙。內。單。黼。領。羅。緞。
 禕。衣。蔽。膝。大。帶。以。青。衣。革。帶。青。鞵。烏。金。飾。白。玉。佩。元。
 組。緞。祭。衣。朝。會。則。服。鞠。衣。黃。羅。為。之。蔽。膝。大。帶。烏。革。
 帶。隨。衣。色。餘。同。禕。衣。親。蠶。則。青。衣。青。羅。為。之。制。同。鞠。
 衣。去。革。大。帶。佩。綬。見。帝。則。服。朱。衣。緋。羅。為。之。制。如。緣。
 衣。宴。賓。則。服。煬。帝。令。牛。宏。等。制。皇。后。服。四。等。禕。衣。以。
 翟。翟。五。綵。重。行。十。二。等。首。飾。花。十。三。鈿。小。花。毳。十。二。
 樹。兩。博。鬢。素。衣。內。單。黼。領。羅。緞。禕。衣。皆。以。朱。蔽。膝。隨。
 裳。色。以。緞。為。綵。用。翟。緞。章。大。帶。隨。衣。飾。以。朱。綠。之。錦。
 青。綠。革。帶。青。鞵。烏。以。金。飾。白。玉。佩。元。組。緞。章。綵。尺。寸。
 同。乘。輿。祭。及。朝。則。服。鞠。衣。小。花。十。二。樹。青。衣。朱。服。皆。
 參。准。宋。太。始。及。梁。陳。故。事。增。損。用。之。皇。朝。因。之。
 司寶二人。正六品。凡太皇太后之寶。皆以金為之。並
 官印。皇。后。用。內。侍。省。印。焉。

典寶二人。正七品。掌寶二人。正八品。

司衣二人。正六品。典衣二人。正七品。掌衣二人。正八

品

司飾二人。正六品。典飾二人。正七品。掌飾二人。正八

品

司仗二人。正六品。典仗二人。正七品。掌仗二人。正八

品

尚服掌供內服用朱章之數。凡皇后之衣服。一曰。禕

首飾。花。十。二。樹。小。花。如。大。花。之。數。并。兩。博。鬢。禕。衣。深。
 青。織。成。為。之。文。為。翟。雉。之。形。素。質。五。色。十。二。等。素。沙。
 中。單。黼。領。羅。緞。禕。衣。皆。用。朱。色。蔽。膝。隨。裳。色。以。緞。為。
 領。緣。用。翟。為。章。三。等。大。帶。隨。衣。色。朱。裏。紕。其。外。上。以。

朱錦下以錄錦組用青組以青衣革帶青鞵馬俱
 加金飾白玉雙佩元組雙大綬章采尺寸與乘輿同
 受冊助祭朝會則服之鞠衣黃羅為之其蔽膝大帶
 及衣革帶鞵馬隨衣色餘與律衣同唯無翟親蠶則
 服之而鈿釵禮衣十二鈿服通用雜色制與上同雙
 佩小綬去馬加履宴見賓客則服之內命婦之服花
 釵施兩博鬢寶鈿節翟衣青質羅為之綉為翟編次
 於衣及裳重為九等而下第一品花釵八樹翟八等第
 花數下准此翟九等第二品花釵六樹翟六等第
 品花釵七樹翟七等第四品花釵六樹翟六等第
 品花釵五樹翟五等並素沙中單黼領朱襹亦通
 用羅縠蔽膝隨裳色以緞為領緣加以文綉重翟為
 章二等一以下皆同大帶組其外上以朱錦下以
 錄錦組用青組以青衣革帶青鞵馬佩綬內命婦
 受冊從蠶朝會則服之鈿釵禮衣通用雜色制與上
 同加雙佩小綬絢履第一品九鈿第二品八鈿第三
 品七鈿第四品六鈿第五品五鈿內命婦常參見則
 服之凡六尚寶林御女采女及女官之服禮衣通用
 雜色制與上同唯無首飾綬七品以上有大事則服
 之尋常供奉則公服去中單蔽膝革帶九品以上大

事及尋常供奉並公服東總司寶司衣司飾司仗四
 宮准此女史則半袖裙襦

司之官屬
 司寶掌琮寶符契圖籍凡神寶受命寶銅魚符及契
 安置具立文簿外司請用執仗奏聞
 同檢出付仍錄案記符還朱書記之

司衣掌衣服首飾
 司飾掌膏沐中櫛玩弄器物之事

司仗掌羽儀仗衛之事
 尚食局

尚食二人正五品
 司膳四人正六品典膳四人正七品掌膳四人正八

品 司醞二人正六品典醞二人正七品掌醞二人正八

品 司藥二人正六品典藥二人正七品掌藥二人正八

品

司膳二人正六品典膳二人正七品掌膳二人正八

品

司食掌供膳羞品齊之數總司膳司醞司藥司饎四

品

司之官屬凡進食先嘗之

司膳掌割烹煎和之事

司醞掌酒醴醕飲之事

司藥掌醫方藥物之事

司饎掌給宮人廩餼薪炭之事

尚寢局

尚寢二人正五品

周禮女御掌御
敘王之燕寢

司設二人正六品典設二人正七品掌設二人正八

品

司輿二人正六品典輿二人正七品掌輿二人正八

品

司苑二人正六品典苑二人正七品掌苑二人正八

品

司苑二人正六品典苑二人正七品掌苑二人正八

品

品
司燈二人正六品典燈二人正七品掌燈二人正八品
 尚寢掌燕寢進御之次敘總司設司輿司苑司燈四
 司之官屬
 司設掌帷帳茵席灑掃張設之事
 司輿掌輿輦轎扇羽儀之事
 司苑掌園苑種植蔬果之事
 司燈掌燈燭膏火之事
 尚功局

尚功二人正五品
 司製二人正六品典製二人正七品掌製二人正八
 品
 司珍二人正六品典珍二人正七品掌珍二人正七
 品
 司絲二人正六品典絲二人正七品掌絲二人正八
 品
 司計二人正六品典計二人正七品掌計二人正八
 品
 尚功掌女工之程課總司製司珍司絲司計四司之

官屬

司製掌衣服裁製縫線之事

司珍掌金玉寶貨之事一人五品掌情二人五人

司綵掌綵物繒錦絲枲之事

司計掌支度衣服飲食薪炭之事典掌絲二人五人

宮正一人正五品司正四人正六品典正四人正七

品典正一人正六品典正二人五人

宮正掌戒令糾禁謫罰之事凡官人已上有不供職

起牒取宮正裁事小局司決罰事大錄狀奏聞

司正典正佐之

內侍四人從四品上

石氏星經宦者四星在帝座西周禮有內小臣闈人寺人鄭元

云今謂之宦人詩有巷伯寺人孟子之作春秋時皆謂之寺人戰國趙有宦者令繆賢漢書百官表云少

府秦官屬官有中書謁者等令丞諸僕射署官皆屬焉又云詹事掌皇后太子家屬官有中長秋私府諸

宦官皆屬焉成帝省併屬大長秋又曰將行秦官景帝更名大長秋或用中人或用士人秩二千石後漢

常用宦者常奉宣中宮命凡給賜宗親及謁見關通之出則從屬官有丞中宮僕謁者私府署令又少府

屬官有中常侍書室玉堂等署長冗從僕射掖庭永巷御府祠祀鈞盾等令暴室永安丞皆宦者又太后

所居官卿少府職如長秋位同九卿上魏改在九卿下晉大長秋卿有后則置無后則省宋齊因之梁

大長秋主諸宦者以司宮闈之職統中署奚官暴室華林等署陳氏亦同後魏有大長秋又置內侍長四

人掌顧問拾遺應對北齊中侍中省有中侍中二人中常侍四人掌出入門閣長秋寺掌諸宮閣卿中尹

各一人領掖庭晉陽中山宮中宮僕奚官等令後周六官有司內上士內小司內中士巷伯中士等官隋

內侍省置內侍二人內常侍二人內侍則舊長秋內
常侍則舊中常侍也煬帝大業三年改內侍省為長
秋監置令一人正四品少令一人從五品丞三人正
七品並用四人罷內謁者員省內僕內謁者局所領
惟掖庭宮闈奚官三署而亦參用士人大業五年又
置謁者員皇朝依開皇復為內侍省置內侍二人今
加至四人龍朔二年改為內侍監咸亨元年復舊光
宅元年改為司宮臺神龍元年復為內侍中官之貴
極于此矣若有殊勲懋績則
有拜大將軍者仍兼內侍焉

內常侍六人正五品下 秦有中常侍漢因之銀璫左
人後漢悉用宦官掌侍左右入內宮贊導內外事永
平中始置員數中常侍四人和帝幼冲竇憲執政鉤
盾令鄭眾等專謀禁中遂收憲印綬超遷大長秋封
鄭鄉侯由是宦官用事其員稍增中常侍至十人改
為金璫左貂鄧后臨朝委用漸大兼領卿署非惟掖
庭永巷之職順帝已下迭居端要獻帝末有董卓之
難自是諸官署悉用士人焉後魏有中謁者僕射等
官員至太武帝時有宦人宗愛文明馮后時宦官用

事而大者令僕小者卿守趙默為選曹尚書張佑封
異姓王北齊中侍中省有中常侍二人掌出入門禁
隋內侍省內常侍二人煬帝改為
內承奉正五品皇朝復為內常侍

內侍之職掌在內侍奉出入宮掖宣傳制令總掖庭

宮闈奚官內僕內府五局之官屬內常侍為之貳凡

季春吉日皇后親蠶於功桑享先蠶於北郊則升壇

執儀 周禮內宰云仲春詔王后帥內外命婦始蠶于

夫人親蠶祀先蠶于東郊魏尊周禮蠶于北郊晉武
楊皇后蠶于西郊依漢故事東晉闕宋孝武大明四
年於臺城西白石里為西蠶設兆域置殿七門及蠶
觀歷齊梁陳並有其禮後魏無聞北齊置蠶功於城
北後周皇后乘翠輅帥三妃等至蠶所以少牢親祭
進奠先蠶西陵氏隋於宮北三里為壇高四尺季春
上巳皇后服鞠衣乘重翟帥三夫人九嬪內外命婦
以太牢制幣祭先蠶於壇上用一獻祭訖就桑位于

壇東西尚功進金鈎典製奉筐皇后採三條反鈎命婦各依班探五條九條而止世婦於蠶母受功桑灑詔皇后乃還皇凡中宮大駕出入則為之夾引焉駕朝因用其禮

內謁者四人內給事二人內常侍二人內侍二人並騎分左右內寺伯一人領寺人六人分夾重翟車

內給事八人從五品下周禮有內小臣之職掌王后之命后出入則前驅后有好事于四方則使往有號令于公卿大夫則亦如之後漢少府有給事黃門六百石常侍左右止在內宮關通中外及中宮以下眾事自魏晉至宋梁陳無其職後魏有中給事中太和二十二年改為中給事北齊中侍中省有中給事中四人煬帝改為內承直從五品皇朝復為內給事

主事二人從九品下隋內侍省主事二人開皇十六年加置內侍主事二十員以承門閣皇朝置二人掌付事鈎稽省鈔也

內給事掌判省事凡元正冬至羣官朝賀中宮則出

入宣傳凡宮人之衣服費用則具其品秩計其多少

春秋二時宣送中書若有府藏物所造者每月中門簿留內一簿出付

尚書比部勾之

內謁者監六人正六品下

內謁者十二人從八品下後漢大長秋屬官有中宮謁者三人四百石主報中

章後魏北齊有中謁者僕射隋內侍省有內謁者監六人內謁者十二人煬帝三年罷內謁者五年又置

皇朝因之

內典引十八人皇朝置流外

內寺伯二人正七品下周禮寺人掌王之內人及女官之戒令禁令隋內侍省有

內侍伯二人皇朝因之

寺人六人

隋置皇朝因之流外掌中宮駕出入則執御刀

內謁者監掌內宣傳凡諸親命婦朝會所司籍其人

數送內侍省

命婦下車則引入朝堂然後奏聞

內謁者掌諸親命婦朝集班位

內典引掌命婦朝參出入監引之事

內侍伯掌糾察諸不法之事歲大饑則監其出入

掖庭局

令二人從七品下

詩之巷伯也至秦為永巷漢武帝更名掖庭有令丞後漢掖庭令一

人六百石左右丞從丞各一人掌後宮貴人眾采女事魏晉並有掖庭令黃門令而非宦者後魏有掖庭監北齊長秋寺統掖庭署令丞隋內侍省統掖庭掖丞各二人皇朝因之

丞三人從八品下

漢掖庭有左右丞北齊有掖庭丞隋有掖庭丞三人皇朝因之

計史二人

掌料功程事

宮教博士二人從九品下

北齊掖庭中山晉陽署各有宮教博士二人隋掖庭

有宮教博士十三人皇朝置二人

監作四人從九品下

皇朝置監宮中雜作之事

典事十人

皇朝置流外

掖庭局令掌宮禁女工之事凡宮人名籍司其除附

功桑養蠶會其課業

丞掌判局事

計史掌料功程

博士掌教習宮人書筭眾藝

監作掌監當雜作

典事典諸工役

宮闈局

令二人從七品下

周禮有闈人王宮每門四人掌王宮中門之禁凡內外命婦出入則

為之辟隋置

丞二人從八品下

隋置皇朝因之

內闈人二十人

周禮有闈人之職皇朝因而置之

內掌扇十六人

皇朝置之

內給使無常員

齊置有散給使五千人皇朝因之

宮闈令掌侍奉宮闈出入管鑰凡大享太廟帥其屬

詣于室出皇后神主置於輿而登座焉既事納之凡

宦人無官品者稱內給使親王府名散使若有官及經解免

應敎選者得令長上其小給使學生五十人其博士取八品

已上散官有藝業者充皆總其名籍以給其糧廩

丞掌判局事

內闈人掌承傳諸門管鑰

內掌房掌中宮繖扇

內給使掌諸門進物出物之曆

奚官局

令二人正八品下

周禮酒人漿人籩人醢人醯人鹽人幕人女祝內司服縫人守祧並

奄官所職也皆有女奴奚隸焉鄭元云古者男女没入縣官皆曰奴少有才知以爲奚今之侍史官婢或曰奚女官也漢暴室丞主中婦人疾病者就此室其皇后貴人有罪亦如之梁陳大長秋寺統奚官署北齊大長秋寺統奚官署令丞隋內侍省統奚官局令丞皇朝因之

丞三人正九品下

隋置皇朝因之

典事四人

皇朝因之

奚官局令掌奚隸二役宮官品命丞爲之貳凡宮人有疾病則供其醫藥死亡則給其衣服各視其品命仍於隨近寺觀爲之修福雖無品亦如之凡內命婦五品已上亡無親戚於墓側三年內取同姓中男一

人以時主祭無同姓則所司春秋以一少牢祭焉

內僕局

令二人正八品下

後漢大長秋屬官有中宮僕一人千石主馭北齊長秋寺統中宮僕

署令丞隋內侍省統內僕局令丞煬帝大業三年廢內僕局皇朝復置

丞二人正九品下

隋置三人皇朝置二人

駕士一百四十人

皇朝置之

典事八人

皇朝置之

內僕令掌中宮車乘出入導引丞爲之貳凡中宮有出入則令居左丞居右而夾引之凡皇后之車有六一日重翟受冊從祀享廟則供之

青質金飾諸未朱輪金根朱牙其箱

飾以重翟羽青油通幟青油燠朱裏朱絲絡網綉紫
 絡帶綉紫帷八鸞在衡鏤錫鞶纓十有二有金鏤方
 鉞插翟尾朱總駕蒼龍二日厭翟公桑則供之赤質
 皆隋所制皇朝因之
 諸朱輪畫朱牙其箱飾以次翟羽鞶油通幟紫油燠
 朱裏朱絲絡網紅錦絡帶紅錦帷餘如重翟駕赤驪
 內命婦一品以三日翟車歸寧則供之黃質金飾諸
 下以次乘之
 其車幟以翟羽黃油通幟黃油燠黃裏白紅錦絡一
 白紅錦帷朱絲絡網其餘如重翟駕黃驪諸鞶纓之
 色皆從四日安車臨幸則供之赤質金飾紫油通幟
 車質也
 絡帶朱絲絡五日四望車拜陵臨弔則供之朱質青
 網駕四馬
 青油燠朱裏織成帷錦六日金根車常行則供之朱
 絡帶朱絲絡網駕赤驪
 青油通幟紫油燠朱裏織成帷錦絡帶朱絲絡網周
 禮王后五輅一重翟二厭翟三安車四翟車五輦車
 司馬彪續漢志皇后法駕御重翟金根車交絡帷裳
 非法駕乘紫罽軒車雲虞畫輈黃金塗駕三馬貴人

油畫軒車魏因之晉輿服志皇后法駕乘重翟羽蓋
 金根車駕青駱青帷裳雲虞畫輈常乘畫輪車先蠶
 乘油蓋畫雲母車駕六騶馬油畫兩轅安車為副金
 薄石山軒車紫絳罽軒車為副晉令三貴人曲蓋九
 嬪直蓋皆信幡宋齊梁陳畧同後魏皇后從祭御金
 根車親桑御雲母車駕四馬歸寧駕紫罽車游行御
 安車弔問御絳罽駢車駕三馬內命婦一品乘油色
 朱輅網車朱飾用金塗及純銀二品三品乘卷通幟
 車四品乘備幟車北齊因之後周皇后車十二等重
 翟以從祀享厭翟以祭陰社翟輅以採桑翠輅以從
 見賓容彫輅以歸寧篆輅以臨道法門皆錫面朱總
 金鈎蒼輅青輅朱輅黃輅白元等輅五時出入則供
 之制同皇后三妃之輅九篆輅朱輅黃元白等輅皆
 勒面績總夏篆夏幔墨車棧車皆彫面鷺總三妃自
 朱輅而下六嬪自黃輅而下上媛
 自元輅而下下媛自夏篆而下也

典事掌檢校車乘

駕士掌調習馬兼知內御輿車雜畜

內府局

令二人正八品下

漢少府屬官有內者令丞後漢長秋屬官有中宮私府令主中藏幣

帛諸總裁衣被補浣皆主之後魏有內者令北齊中侍中省有內者丞一人隋內侍省統內者局丞各二人皇朝改置

內府令丞

丞二人正九品

內府令掌中宮藏寶貨給納名數丞為之貳凡朝會五品已上賜絹及雜絲金銀器於殿庭者並供之諸將有功并蕃酋辭還賜亦如之

唐六典卷十二

大唐六典御史臺卷第十三

唐 元宗御撰

集賢院學士兵部尚書兼中書令修國史上柱

國開國公臣李林甫等奉 敕注上

御史臺

大夫一人

中丞二人

侍御史四人

主簿一人

錄事二人

令史十五人

書令史二十五人

亭長六人

掌固十二人

殿中侍御史六人

令史八人

書令史十人

監察御史十人

令史三十四人

御史大夫一人從三品漢書云御史大夫秦官位上卿銀印青綬掌副丞相成帝

綏和元年更名大司空哀帝建平二年復為御史大夫元壽二年復為大司空歷後漢遂為三公之官獻帝建安十三年又置御史大夫魏黃初三年又省歷晉宋齊梁陳後魏北齊後周並不置大夫而以中丞為臺主隋諱忠依秦漢置御史大夫從三品大業八年降為正四品皇朝又為從三品龍朔二年改為大司憲咸亨元年復故御史臺漢名御史府後漢曰憲臺以尚書為中臺時謁者為外臺謂之三臺魏晉宋齊曰蘭臺梁陳後魏北齊隋皆曰御史臺皇朝因之龍朔二年更名憲臺咸亨元年復故光宅元年改曰左肅政臺專知在京百司更置右肅政臺專知按察諸州加右臺大夫一人神龍元年改為左右御史臺猶置二大夫延和元年廢右臺先天二年二月復置十月又廢而大夫隨臺廢置

中丞二人正五品漢百官表御史大夫有兩丞秩二千石一曰中丞謂之中者以其列
在殿中掌蘭臺秘書外督部刺史內領侍御史受公卿奏事舉劾按章及置司隸校尉以御史中丞督司隸司直司隸司直督刺史刺史督二千石下至墨綬成帝綏和元年改為大司空哀帝建平二年改大司

皇朝因之
侍御史二人
咸亨元年復故自漢以來御史中丞皆一人隋持書
改爲從五品皇朝因之貞觀中避高宗諱省持書侍
御史依前代置御史中丞龍朔二年改曰司憲大夫
齊爲從五品隋室因之大業六年加正五品八年又
人持書故曰持書侍御史歷代品秩並同御史惟北
宣帝元鳳中因路溫舒上書宜尚德緩刑帝深采覽
持書侍御史二人隋省中丞官置御史大夫爲臺主以
史中丞之職也
憲中大夫二人北魏改中丞曰中尉正三品後周秋官置司
年爲從三品後魏改中丞曰中尉正三品後周秋官置司
班第十一後魏改中丞曰中尉正三品後周秋官置司
齊梁陳並以中丞爲臺主品第四梁制十八班中丞
而助以宮正號爲三獨坐魏黃初改中丞爲宮正魏鮑
御史中丞光武詔與司隸校尉尚書令三官各專席
外爲臺主更名御史長史後漢復曰中丞時宜乘拜
空復爲御史大夫元壽二年復爲大司空而中丞出

御史大夫之職掌邦國刑憲典章之政令以肅正朝
列中丞爲之貳其百僚有姦非隱伏得專推劾若中書門下五品已上尚書省四品已上
進之并送中書門下三司御史大夫中書門下凡天下之人有稱冤而無告
者與三司詰之三司御史大夫中書門下凡中外百僚
之事應彈劾者御史言於大夫大事則方幅奏彈小
事署名而已舊彈奏皇帝視事日御史奏之自景龍三年以來皆先進狀聽進止許則奏之
不許若有制使覆囚徒則刑部尚書參擇之凡國有
大禮則乘輅車以爲之導駕幸京都大夫從行則令中丞一人留在臺并殿中
侍御史一人若別侍御史四人從六品下周官宗伯屬官御史
掌邦國都鄙及萬民之治令以贊冢宰凡治之者受
法令焉以其在殿柱之間亦謂之柱下史秦改爲侍

御史史記張蒼自秦時為御史主柱下方書即其任也冠法冠一名柱後惠文冠以鐵為柱言其審固不獍也法冠者秦事云始皇滅楚以其君冠賜御史亦名獍牙冠以獍牙獸主觸不直故執憲者以為冠漢因秦置侍御史秩六百石員十五人惠帝三年相國奏遣御史監三輔不法事有辭訟者盜賊者鑄偽錢者獄不直者繇賦不平者吏不廉者吏苛刻者踰侈及弩力十石以上者作非所當服者凡九條監者每二歲一更常十一月奏事三月還監焉侍御史有綉衣直指出討姦猾治大獄武帝制不常置後漢皆公府掾屬高第者為之所掌有五曹曰令曹掌律令印曹掌刻印供曹掌齋祠之事尉馬曹掌廐馬之事乘曹掌護駕魏置八人品第六所掌凡八部有持書曹課第曹其餘則史闕云晉置九人所掌有十三曹曰吏曹課第曹直事曹印曹中都督曹外都督曹媒曹符節曹水曹中壘曹營軍曹法曹算曹東晉初省課第曹置庫曹後又分庫曹為外右庫曹內左庫曹焉宋置十人元嘉中省二庫曹直云左庫曹併入水曹省二庫景和初復省之昇明初省營軍曹併入水曹省算曹併入法曹而吏曹罷御史掌之齊置十人梁陳

皆九人後魏八人初從五品大和末為正八品下北齊置八人從七品下後魏北齊尤重御史選御史必答策高第始補之並分掌諸曹內外督令史以下後周秋官有司憲中士隋置八人從七品下煬帝三年改為正七品皇朝置四人加品從六品下又置內供奉員不過本數其遷改與正官資望亦齊舊制庶僕五分減一及崔隱甫為大夫奏供奉裏行並同正給案令隔品致敬比者因循侍御史已下皆與大夫抗禮開元十八年敕重申明猶未之改李適之為大夫皆受拜時議是之

侍御史掌糾舉百僚推鞠獄訟其職有六一曰奏彈

二曰三司三曰西推四曰東推五曰賊贖六曰理

侍御史年深者一人判臺事知公廨雜事等次知西推賊贖三司受事監奏次知東推理匭之事臺中有黃卷不糾舉所職則罰之其新除者未曉制度罰有日逾萬錢者舊例新人罰止於四萬及崔隱甫為大夫以其數大廣減之以萬二千為限凡有制敕付臺三院各有院長議罰則詢於雜端也

推者則按其實狀以奏若尋常之獄推訖斷于大理
舊臺中無獄未嘗禁入有須留問寄禁大理李乾祐
 為大夫奏請於臺置獄雖則按問為便而增鞠獄之
 弊至開元十四年御史大夫崔隱甫凡事非大夫中
 奏罷之須留問者依前寄禁大理 凡事非大夫中
 丞所劾而合彈奏者則具其事為狀大夫中丞押奏
 大事則冠法冠衣朱衣纁裳白紗中單以彈之小事
 常服而已法冠一名豸冠一角為獬
 豸之形取觸邪之義也 凡三司理事則
 與給事中中書舍人更直於朝堂受表三司更直每
 日一司正受
兩司副押更遞如
 此其鞠聽亦同 若三司所按而非其長官則與刑
 部郎中員外郎大理司直評事往訊之除三司受事
 及推按外每
日侍御史一人承制諸奏事者並監而進退
 之若所論繁細不宜奏陳則隨事奏而罷之

主簿一人從七品下

漢書張忠為御史大夫署孫寶
 為主簿魏晉已下無聞隋煬帝

大業三年始置御史臺
 主簿二員皇朝省一員

錄事二人從九品下

主簿掌印及受事發辰句檢稽失

兼知府厨
 及黃卷

殿中侍御史六人從七品下

魏氏御史二人居殿中
 察非法故曰殿中侍御

史晉置四人東晉省二人梁陳史不載其品秩後魏
 初從五品大和末為從八品上北齊置十二人正八
 品隋開皇初改為殿中侍御史置十二人正八品下
 煬帝三年省武德五年置四人正八品上貞觀二十
 三年加

員品

監察御史十人正八品上

監察御史蓋取秦監郡御
 史以名官晉書云孝武太

元中創置檢校御史而吳混之為之沈約宋書云古
 司隸校尉知行馬外事晉江左罷司隸置檢校御史

專掌行馬外事是也。歷宋梁齊陳無聞其職。後魏太和末復置檢校御史正九品上。北齊置檢校御史十二人。從八品上。後周秋官府有司憲旅下士八人。隋初改為監察御史置十二人。從八品上。煬帝大業三年加正八品。增置十六人。大業八年加從七品。後又置御史一百員。從九品。尋省之。蓋更卑於監察矣。武德初監察御史置八人。貞觀二十二年加監察二人。其外又置監察御史裏行。其始自馬周以布衣太宗令於監察御史裏行。自此便置裏行之名。

殿中侍御史掌殿廷供奉之儀式。每朝與侍御史隨仗入位在中丞下。

給事中中書舍人後凡冬至元正大朝會則具服升殿若皇帝

郊祀巡省謂大駕與鹵簿則具服從旌門往來檢察視其文

物之有虧闕則糾之非大備則常服凡兩京城內則分知左

右巡各察其所巡之內有不法之事謂左降流移停匿不去及妖訛

宿宵蒲博盜竊獄訟冤濫諸州網典貿易隱盜賦歛不如法式諸此之類咸舉按而奏之若不能糾察及故縱蔽匿則量其輕重而坐所由御史

監察御史掌分察百僚巡按郡縣糾視刑獄肅整朝

儀朝廷有不肅敬御史則糾而劾之每二人五日分

入至殿廷開元七年三月敕並令隨仗而入不得供

奉位在尚書員外郎後十道巡按則選判官二人以

為之佐如本道務繁得量差凡將帥戰伐大克殺獲

數其俘馘審其功賞辨其真偽若諸道屯田及鑄錢

其審功糾過亦如之凡嶺南及黔府選補亦令一人

監其得失凡決囚徒則與中書舍人金吾將軍監之

若京都忌齋則與殿中侍御史分察寺觀七若在京

唐六典 卷十四
都則分察尚書六司糾其過失及知太府司農出納凡冬至祀園丘夏至祭方丘孟春祈穀季春祀明堂孟冬祭神州五郊迎氣及享太廟則二人共監之若朝日夕月及祭社稷孔宣父齊太公蜡百神則一人率其官屬閱其牲牢省其器服辨其輕重有不修不敬則劾之凡尚書省有會議亦監其過謬尚書省諸司七品以上官會議皆先牒報臺亦一人往監若據狀有違及不委議意而署名者糾彈之凡有敕令一御史往監則監察受命而行自監察御史已上每日一人於本司當門直以檢察臺中出入及令史領詞訟過大夫之事若緣詞訟事須推勘者凡百官燕會習射亦如大夫便委門直御史以推之

終

大唐六典太常寺卷第十四

唐 元宗御撰

集賢院學士兵部尚書兼中書令修國史上柱

國開國公臣李林甫等奉 敕注上

太常寺

卿一人

少卿二人

丞二人

主簿二人

錄事二人

府十二人

史二十三

博士四人

謁者十人

贊引二十人

太祝三人

祝史六人

奉禮郎二人

贊者十六人

協律郎二人

亭長八人

掌固十二人

太廟齋郎京都各一百三十人

太廟門僕京都各三十二人

兩京郊社署

令各一人

給丞一人

府二人

史四人

典事三人

掌固五人

門僕八人

齋郎一百二十人

諸陵署

令各一人

兩丞一人

錄事一人京洛各三十二人

府二人京洛各一百三十人

史四人

主衣四人

主筆四人

主藥四人

典事三人

掌固二人

陵戶

永康興寧二陵署

令各一人

丞一人

錄事一人

府一人

史三人

典事二人

掌固二人

陵戸各二千一百人

諸太子陵署

令各一人

丞一人

錄事二人

府一人

史二人

典事二人

掌固一人

陵戸各三十人

諸太子廟署

令各一人

丞一人

錄事一人

府一人

史二人

典事二人

掌固二人

太樂署

令一人

丞一人

府三人

史六人

樂正八人

典事八人

掌固六人

文武二舞郎一百四十人

鼓吹署

令一人

丞一人

府三人

史六人

樂正四人

典事四人

掌固四人

太醫署

令二人

丞二人

府二人

史四人

主藥八人

藥童二十四人

醫監四人

醫正八人

藥園師二人

藥園生八人

掌固四人

醫博士一人

醫助教一人

醫師二十人

醫工一百人

醫生四十人

典學十人

鍼博士一人

鍼助教一人

鍼師十人

鍼工二十人

鍼生二十人

按摩博士一人

按摩師四人

按摩工十六人

按摩生十六人

咒禁博士一人

咒禁師二人

咒禁工八人

咒禁生十人

太卜署

令一人

丞二人

府一人

史二人

卜正二人

卜師二十人

巫師十五人

卜博士二人

助教二人

卜筮生四十五人

掌固三人

稟犧署

令一人

丞一人

府一人

史二人

典事二人

掌固四人

汾祠署

令一人

丞一人

府二人

史四人

兩京齊太公廟署

令各一人

丞一人

錄事一人

府二人

史四人

廟幹二人

掌固四人

門僕八人

太常寺卿一人正三品唐虞之時伯夷作秩宗典三禮皋夔典樂以教胄子周官

大宗伯卿一人掌建邦天神人鬼地祇之禮秦曰奉常

景帝又曰太常漢制以列侯忠孝敬慎者居之秩中

二千石王莽改曰秩宗後漢太常掌禮儀祭祀及行

事掌贊天子大射養老大喪皆奏其禮儀每月前晦

祭行陵廟并選試博士奏其能否則因之晉太常置

功曹主簿五官等員品第三銀章青綬進賢兩梁冠

五時朝服佩水蒼玉宋大常用尚書亦轉為尚書加

遷選曹尚書顧護等齊因之梁天監七年象四時置

十二卿太常宗正司農為春卿太常位視金紫光祿

大夫班第十四陳因梁後魏太常與光祿勳衛尉為

三上卿位從一品下北齊太常卿第三品後周為宗伯隋

天文術數衣冠之屬大常卿第三品後周為宗伯隋

太常寺卿一人正三品皇朝因之龍朔二年改為奉

常咸亨元年復舊光宅九年改為司禮神龍元年復故

少卿二人正四品上周禮有小宗伯中大夫二人秦

少卿官太常少卿一人第三品上至二十二年降為

正四品上北齊因之後周為小宗伯隋太常寺置少

卿一人正四品上煬帝即位加置二人降為從四品

皇朝武德中置一人貞觀中加置二人龍朔咸亨光

宅神龍並隨寺改復

太常卿之職掌邦國禮樂郊廟社稷之事以八署分

而理焉一曰郊社二曰太廟開元二十四年敕廢太

廟三曰諸陵四曰太樂五曰鼓吹六曰太醫七曰太

卜八曰廩犧總其官屬行其政令少卿為之貳凡國

有大禮則贊相禮儀有司攝事則為之亞獻率太樂

唐書卷一百四

唐書卷一百四

之官屬設樂縣以供其事燕會亦如之若三公行園
 陵則為之副公服乘輅備鹵簿而奉其禮若大祭祀
 則先省其牲器凡太卜占國之大事及祭祀卜日皆
 往蒞之於太廟南門之外中祀已上則太常卿蒞卜若小祀及非大祀則太卜
令蒞也凡大駕巡幸出師克獲皆擇日告于太廟大廟有修
造亦如之凡仲春薦冰及四時品物甘滋新成者皆薦焉
 凡有事於宗廟少卿及大祝齋郎入薦香燭整拂神
 幄出入神主將享則與良醞合實尊罍凡備大享之
 器服有四院各以其物而分貯焉一曰天府院藏瑞應及伐國所獲之寶禘祫則陳之於廟庭二曰御衣院藏乘輿之祭服三曰樂縣院主藏六樂之器物四曰神厨院主藏御

廩及諸器物

丞二人從五品上

秦有奉常丞漢因之比千石魏晉宋置一人宋百官春秋太常丞視

尚書郎銅印黃綬一梁冠品第七掌舉陵廟非法齊因之梁班第五梁選部太常丞舊用員外郎遷尚書

郎天監七年改視尚書郎陳因之後魏太常丞五品下太和二十二年降為七品上北齊後六品下隋太

常丞二人從六品下大業三年增為五品皇朝因之

主簿二人從七品上

漢官儀鹵簿篇太常駕四馬主簿前車八乘有鈴下侍閣年車

騎吏五百等員梁天監七年十二卿各置主簿一人遷為五官功曹又位不登十八班者別為七班太常

主簿班第四梁選太常主簿視二衛主簿陳因之後魏不見北齊太常寺有功曹五官主簿等隋太業中

主簿二人武德中正八品上貞觀中從七品上

錄事二人從九品上

晉令太常置主簿錄事北齊亦置之隋增置二人皇朝因之

丞掌判寺事凡大享太廟則修七祀於太廟西門之內若祫享則兼修配享功臣之禮

主簿掌印勾檢稽失省署鈔目

錄事掌受事發辰

太常博士四人從七品上

漢書百官表云博士秦官掌通古今秩比六百石員

多至數十人高祖時叔孫通始為博士定禮制後漢置十四人魏因之晉中典書博士之職端委佩玉朝

之大典必詢度焉當道正詞克厭人望然後為可齊宋太常府有博士亦謂之太學博士梁陳亦兼統國

學博士後魏太常博士從七品下北齊置四人品同魏隋因之置謁者三十人贊引六十人皇朝武德中

置博士二員正八品上貞觀中加其員品減謁者置十人贊引二十二

謁者十人秦漢有謁者即今通事舍人隋太常寺有謁者三十人皇朝減置十人

贊引二十人

隋太常寺有贊引六十八人貞觀中省置二十人

太常博士掌辨五禮之儀式奉先王之法制適變隨時而損益焉凡大祭祀及有大禮則與太常卿以導

贊其儀凡王公以上擬謚皆跡其功德而為之褒貶

議謚職事官三品已上散官二品已上佐史錄行無狀申考功勘校下太常擬謚訖申省議定奏聞

爵稱子沈約謚法云晉大典三年養德邱園聲實明

著則謚曰先生大行則大名小行則小名之舊有周官謚法

大戴禮謚法又漢劉熙注謚法一卷晉張靖撰謚法兩卷又有廣謚一卷至梁沈約總集謚法凡有一百

六十卷若大祭祀卿省其牲器謁者為之導若小祀及

公卿大夫有嘉禮亦命謁者以贊相焉

太祝三人正九品上

禮記曰天子建天官先六大則有太祝之直此夏殷之制也周

禮太祝下大夫二人上士四人掌六祝之詞順祝年

祝令祝化祝瑞祝策祝以事鬼神祈福祥也秦漢奉

常屬官有太祝令丞後漢太祝令一人六百石丞二

人晉宋皆有太祝令丞齊職儀太祝令品第七四百

石銅印墨綬進賢一梁冠絳朝服用三品勳位梁選

部太祝令與三廟令品秩同陳氏因之後魏太祝令

從五品中太和二十二年改為正九品上北齊太常

寺置太祝令丞後周大祝下大夫一人隋太祝署令

一人丞一人太祝八人祝史十六人煬帝廢太祝署

以太祝屬寺後又增為十人皇朝減置七人後又增

置九人開元二十三年

減六人祝史減七人

祝史六人晉大祝令史三十人後魏祝史從七品中

隋置十六人皇朝武德中置十二人今減

六人

奉禮郎二人從九品上漢大鴻臚有治禮郎三十七

人晉太常諸博士有治禮史

二十四人

大行令有治禮郎四人後魏治禮郎從六

品下太和二十二年改為從九品下北齊司儀置奉

禮郎三十人後周治禮中士一人下士一人隋太常

寺有治禮郎十六人其後改為奉禮郎又置贊者十

二人煬帝減奉禮郎置六人皇朝武德中為治禮郎

置四入永徽之後改為奉禮郎開元二十三年減二

人掌帥贊者

以供其事

太祝掌出納神主于太廟之九室而奉享薦禘祫之

儀凡國有大祭祀盥則奉匱既盥則奉巾悅凡郊廟

之祝板先進取署乃送祠所將事則跪讀祝文以信

于神禮成而焚之凡大祭祀卿省牲則循牲而告充

禮告訖牽牲以授太官既享則以牲之毛血置之於

豆而尊焉饌入而徹之既享則酌上樽之福酒且減

胙肉加之於俎以贊祭酒歸胙之禮又奉玉凡祭天

帛之篚及牲首之俎俟禮成行焚瘞之儀也

凡祭天

凡祭天

凡祭天

凡祭天

凡祭天

凡祭天

凡祭天

凡祭天

凡祭天

凡祭天

凡祭天

凡祭天

凡祭天

凡祭天

凡祭天

及日月星辰之玉帛則焚之祭地及社稷山嶽則瘞之海濱則沈之

奉禮郎掌設君臣之版位以奉朝會祭祀之禮版位黑質

赤文天子方尺有二寸厚三寸太子方九寸厚二寸公卿已下方七寸厚一寸有半天子版位題曰皇帝

位太子曰皇太子位百官題曰凡祭祀朝會設庶官某品位凡祭祀朝廷以贊導焉

之位次於文武右東正相向北方為上東方西方之使

二王之後列於武官之下褒聖侯叙於文官之列凡有事於神祇則設御位於壇之東南從祀公卿獻官

及掌事者位於瓊之內外若有事於宗廟則設位於廟庭之中宗廟之子孫列焉昭穆異位去爵從齒也

凡尊彝之制十有四祭祀則陳之尊一日太尊二日著

象尊五日壺尊六日山罍七日概尊八日散尊九日山尊十日蜃尊十一日雞彝十二日鳥彝十三日犀

彝十四日黃彝又陳勺鬯篚站之位以奉其事有事於神祇則用太尊至于山罍有事于宗廟則春夏用鷄鳥之彝秋冬用黃牟之彝星之外宮用概尊嶽鎮海濱用山尊山林川澤用蜃尊衆星及邱陵已下用散尊凡祭器之位簠簋為前登鉶次之籩豆為後籩豆之位在廟堂上俱陳側階之北每坐四簠次之以六鉶次之以六登籩豆為後每坐異之皆以南為上屈陳而下也凡大祭祀及朝會在位者拜跪之節皆贊導之贊者承傳焉及設牲版之位以成省牲之儀凡春秋二仲公卿巡行諸陵則主其威儀鼓吹之節而相其禮焉

協律郎二人正八品漢書武帝時李延年善新聲以為協律都尉後漢亦有之至魏

武帝平荆州得札夔能識舊樂章以為協律都尉晉改為協律校尉宋齊亦有其官梁太常屬官有協律

校尉後魏有協律郎太和初協律中郎從四品下協律郎從五品上至二十年協律正八品下北齊太常屬官有協律郎二人隋太常寺協律郎二人皇朝因之

協律郎掌和六律六呂以辨四時之氣八風五音之節陽為六律所以統氣類物仲冬為黃鐘孟春為太簇季春為姑洗仲夏為蕤賓孟秋為夷則季秋為無射陰為六呂所以旅陽宣氣季冬為大呂仲春為夾鍾孟夏為仲呂季夏為林鍾仲秋為南呂孟冬為應鍾凡律管之數起於九以九相乘八十一以為宮三分去一五十四以為徵三分益一七十二以為商三分去一四十八以為羽三分益一六十四以為角黃

鍾為宮太簇為商姑洗為角林鍾為徵南呂為羽還

相為宮以生其聲焉凡太樂鼓吹教樂則監試為之

課限太樂署教雅樂大曲三十日成小曲二十日清樂大曲六十日大文曲三十日小曲十日燕

樂西涼龜茲疏勒安國天竺高昌大曲各三十日次

鼓一曲二十日小曲各十日高麗康國一曲鼓吹署桐

日鏡鼓一曲五十日歌簫笳一曲各三十日長鳴三聲十

一各六十日節鼓一曲二十日笛簫箏箏箏桃皮箏

葆鼓一曲各二十日小鼓一曲十口中鳴三聲十日羽

各三十日小橫吹一曲六十日簫笛箏箏桃皮箏各三

日成凡教樂淫聲過聲凶聲慢聲皆禁之

過聲失哀樂之節凶聲凶國之聲使陽而不敢散陰音若桑間濮上者慢聲不恭者也

而不敢集剛氣不怒柔氣不攝暢於中發於外以應

天地之和。若大祭祀饗燕，奏樂于庭，則升堂執麾，以爲之節制。舉麾鼓祝，而後樂作。偃麾戛敵，而後止。

兩京郊社署令各一人，從七品下。

周人建國，左宗廟，右社稷，祭天於南郊之

園丘，就陽位也。祭地於北郊之方壇，就陰位也。故有典祀中士二人，下士四人，以時而祭，則徵役于司隸。帥其屬而修除之。秦漢奉常屬官有太祝，令丞、景帝改爲祠祀。武帝更曰廟祀。後漢祠祀屬少府。魏晉有太祝，令丞。宋有明堂令丞，掌宗祀五帝之事。齊有太祝及明堂令。梁太常卿統明堂、太社等令丞。北齊太廟令丞兼領郊祀。崇虛二屬丞，郊祀掌五郊羣神。崇虛掌五嶽四瀆神祠。後周有司，即上士二人，中士一人。又有司，社中士一人，下士一人。隋太常統郊社署令，又置門僕齋郎。皇朝因之。

丞一人，從八品上。

隋置，皇朝因之。

門僕八人。

隋有二人。

齋郎一百一十人。

後魏祀宮齋郎九品中。隋郊社署有齋郎一百人。

郊社令掌五郊社稷明堂之位，祠祀祈禱之禮。丞爲之貳。凡大祭祀，則設神坐於壇上，而別其位。上帝之神席以藁秸，衆神席以莞，升中于太山，則籍以三脊之茅，與奉禮設尊罍篚幕之具。太官令實之。凡有事於百神，則立燎壇而先積柴焉。大祀燎壇方一丈，高尺，其高一丈，下祀方五尺，高如其方。中祀方八尺，其高一丈，下祀方五尺，高如其方。凡有合朔之變，則置五兵於大社。矛居東，戟居南，鉞在西，稍在北。巡察四門，立積於壇四隅。朱絲繫之以候變，過時而罷之。

獻陵昭陵乾陵定陵橋陵恭陵署令各一人，從五品

周禮有冢人下大夫二人中士四人掌公墓之地辨其兆域先王之葬居中以昭穆為左右至漢奉常管諸陵縣諸陵亦各有丞令至元帝元光元年分穆陵邑屬三輔後漢先帝陵令每令各一人秩六百石每陵所皆置萬戶晉太常統陵令丞主簿錄事戶曹吏禁備史各一人侍一人凡吏四人卒一人宋太常統陵令齊職儀每陵令一人品第七秩四百石銅印墨綬進賢一梁冠絳朝服舊有三品勳位孝建三年改為二品梁太常統陵監其後改為令班第二品正第九陳承梁制秩六百石北齊太常寺亦統諸陵令丞後周守陵每陵上士一人隋令諸署每陵令一人皇朝因之開元二十五年諸陵廟隸宗正寺

丞一人從七品下漢魏晉諸陵並有丞宋齊梁陳並有丞隋諸陵丞

各一人有主衣主輦主藥等員皇朝因之

錄事一人皇朝置

陵戶乾陵橋陵昭陵各四百人獻陵定陵恭陵各三百人

陵戶掌先帝山陵率戶守衛之事丞為之貳凡朔望元正冬至寒食皆修享於諸陵若橋陵則日獻羞焉凡功臣密戚諸陪陵葬者聽之以文武分為左右而列墳高四尺以上若祖父陪陵子孫從葬者亦如之若人陪葬則陵戶為之成墳凡諸陵皆置留守領甲士與陵令相左右兆域內禁人無得葬埋古墳則不毀永康興寧二陵署令各一人從七品下丞一人從八品下

陵令掌山陵營兆之事率其戶而守陵焉兵仗並丞為之貳

隱章懷懿德節愍惠莊文惠宣七太子陵署各令一

人從八品下按漢武帝戾太子園有官吏自後不見並皇朝置之

丞一人從九品下

太子陵令皆掌陵園守衛

諸太子廟令各一人從八品上

丞一人正九品下有後則官為置廟子孫自主其祭無後者以近族人為主緣祭樂饌

並官供之

太子廟令丞皆掌灑掃開闔之節四時享祭之禮

太樂署令一人從七品下周禮大師樂中大夫二人樂師下大夫四人掌成均

之法以樂舞教國子雲門大卷大成大韶大夏大護大武之舞樂師掌國學之政教國子帔舞羽舞皇舞旄舞干舞人舞之節又有太師下大夫二人掌六律六同以合陰陽之聲至秦漢奉常屬官有太樂令丞

又少府屬官有樂府令丞後漢太常樂令一人六百石魏復為太樂令丞黃初中以杜夔為之使正雅樂

時散騎侍郎鄧靜善詠雅樂歌詩丑胡能習宗祀之曲舞師馮肅曉知前代諸舞夔與創定遷協律都尉

至晉元帝并太樂於鼓吹宋太常有太樂令丞齊因之品第七四百石銅印墨綬進賢一梁冠絳朝服梁

太常屬官有太樂令班第一品從九又別領清商丞

和十五年置太樂官有太樂博士六品下北齊太常寺有太樂令丞後周有司樂上士中士隋太常寺統

太樂令丞二人皇朝因之開元二十三年各減一人

丞一人從八品下歷代皆有二人隋置二人皇朝因之開元二十三年減一人

樂正八人從九品下後周依周官置樂師上士一人中士一人隋太樂署有樂師八

人清商有樂師二人至煬帝改曰正加置十人蓋採古樂正子春而名官皇朝因之

典事八人流外番官

文武二舞郎一百四十人周禮。執師主舞者十有六人。旄人主舞者衆寡無數。

漢太常樂令有八佾舞三百八十二。隋太常樂署有舞郎三百。

太樂令掌教樂人。調合鍾律。以供邦國之祭祀饗燕。

丞爲之貳。凡天子宮縣。太子軒縣。宮縣之樂。罇鍾十

二。編鍾十二。編磬十二。凡三十有六。簋宗廟與殿庭同。郊丘社則

二十簋。面別去編。鍾磬各二十簋。東方西方磬簋起。北鍾簋次之。南

方北方磬簋起。西鍾簋次之。罇鍾在編縣之間。各依

辰位。四隅建鼓。左祝右敵。又設笙竽笛簫篪塤。繫于

編鍾之下。隅歌琴瑟箏筑繫于編磬之下。其在殿庭

前。則加鼓吹十二。按於建鼓之外。羽葆之鼓。大鼓金

罇。歌簫笳置於其上焉。又設登鼓。鍾磬節鼓。琴瑟箏

筑於堂上。笙簫和簫篪塤於堂下。宮縣登歌工人。皆

鳥皮履。鼓人及階下工人。皆武弁。朱繡衣。革帶。烏皮履。若在殿庭。加白練。襜褕。白布襪。鼓吹按工人。亦如

之。軒縣之樂。去其南面。罇鍾編鍾編磬各三。凡九簋。

設於辰丑申之位。三建鼓亦如之。餘如宮縣之制。凡

宮縣軒縣之作。則奏二舞。以爲衆樂之容。一曰文舞。

二曰武舞。宮縣之舞八佾。軒縣之舞六佾。文舞之制。

左執籥。右執翟。二人執纛以引之。文舞六十四人。供

絲布大袖。白練領。標白紗中單。絳領。青絲布大口。武

袴。革帶。烏皮履。白布襪。其執纛人衣冠各同也。舞之制。左執干。右執戚。二人執旌居前。二人執鼗鼓。

二人執鐸。四人持金鐸。二人奏之。二人執鏡以次之。
二人執相在左。二人執雅在右。武舞六十四人供郊廟服平冕餘同文舞。若供殿庭服武弁平巾帽金支緋絲布大袖緋絲布網襜甲金飾白練襜褕錦騰蛇起梁帶豹文大口布袴烏布鞞其執旌人衣冠各同當色舞人餘同工人也。凡簋簠飾以崇牙流蘇。樹羽。宮縣則金五博山。軒縣則金三博山。凡樂器之飾。天地之神尚赤。宗廟及殿庭尚彩。東宮亦赤。凡中宮之樂。則以大磬代鍾鼓。餘如宮縣之制。凡磬。天地之神用石。宗廟及殿庭用玉。凡有事於天神。用雷鼓。雷鼗。地神用靈鼓。靈鼗。宗廟及帝社用路鼓。路鼗。皆建于宮縣之內。凡大燕會。則設十部之伎於庭。以備

中外。一曰燕樂伎。有景雲樂之舞。慶善樂之舞。破陣樂之舞。承天樂之舞。玉磬萬響。搗箏。筑。豎箏。篳篥。小篳篥。吹葉。大篳。小篳。長笛。尺八。大篳篥。小篳篥。大五絃。小五絃。正同。鈸。和同。鈸。各一。歌。二人。楷鼓。鼗鼓。連鼓。桴鼓。俱各二。二曰清樂伎。編鍾。編磬。各一架。瑟。彈琴。擊琴。琵琶。長笛。簫。篳篥。各二。吹。篳篥。篳篥。各一人。舞。四人。三曰西涼伎。編鍾。編磬。各一架。歌。篳篥。小篳篥。琵琶。五絃。笙。長笛。短笛。大篳篥。小篳篥。簫。箏。鼓。齊鼓。擔鼓。各一。銅鈸。二具。一。白舞。一人。方舞。四人。四曰天竺伎。鳳首。篳篥。琵琶。五絃。橫笛。銅鼓。都曇鼓。毛員鼓。各一。銅鈸。二具。一。舞。二人。五曰高麗伎。彈箏。卧箏。篳篥。豎箏。篳篥。琵琶。五絃。笙。橫吹。小篳篥。簫。桃皮。篳篥。箏。鼓。齊鼓。擔鼓。各一。各一。舞。四人。六曰龜茲伎。豎箏。篳篥。琵琶。五絃。笙。橫笛。篳篥。都曇鼓。羯鼓。候提鼓。箏。鼓。各一。銅鈸。二具。一。答臘鼓。毛員鼓。各一。舞。四人。七曰安國伎。豎箏。篳篥。琵琶。五絃。橫笛。大雞婁鼓。具各一。舞。四人。

簫篋雙簫正鼓和鼓各一銅鈸二舞二人八日疎勒伎監篋篋琵琶五絃橫笛簫簫篋

答臘鼓羯鼓倭提鼓各一舞二人九日高昌伎監篋篋琵琶五絃篋橫笛簫簫篋

鼓雞婁鼓各一舞二人十日康國伎笛二正鼓和鼓各一銅鼓二舞二人凡大

祭祀朝會用樂則辨其曲度章服而分終始之次郊祀

降神奏豫和之樂文舞作焉迎皇帝則奏太和之樂奠玉則奏肅和之樂迎俎則奏雍和之樂酌獻則奏壽和之樂送神則奏舒和之樂武舞作焉若有事於地祇則迎神以順和之樂有事於宗廟則迎神以永

和之樂餘如郊祀之儀饗先農用農和孔宣父廟齊太公廟用宣和之樂元正冬至大朝會迎送皇帝用

太和迎送王公用舒和羣臣上壽用昭和舉酒登歌用昭文舞用九功之舞武舞用七德之舞若祀祠

武舞用凱凡有事於太廟每室酌獻各用舞焉獻祖

安之舞之室用光大之舞黃鍾宮調懿祖之室用長發之舞黃鍾宮調

太祖之室用大政之舞太簇呂調仗祖之室用大成之舞姑洗宮調

高祖之室用大明之舞蕤賓宮調太宗之室用崇德

之舞夷則宮調高宗之室用均天之舞黃鍾宮調中宗之室用

文和之舞太簇宮調睿宗之室用景雲之舞黃鍾宮調孝敬廟

用承先之舞諸太子廟用凱安之舞凡祭昊天上帝

及五方帝大明夜明之樂皆六成夾鍾宮調三成黃

徵調一成姑洗羽調一成若五郊迎氣黃帝用黃鍾宮調青帝用姑法角調白帝用大簇商調赤帝用林

鍾徵調黑帝用南呂羽調

祭皇地祇神州社稷之樂皆八成林鍾宮調二成太簇角二成姑洗徵

二成南呂享宗廟之樂九成黃鍾宮三成大呂角二成應鍾羽

成二其餘祭祀三成而已皆用姑洗之調凡習樂立師以教每

歲考其師之課業為上中下三等申禮部十年大校

之若未成則又五年而校之量其優劣而黜陟焉諸無

品博士隨番少者為中第經十五年有五上考者授散官直本司若職事之為師者

則進退其考習業者亦為之限既成得進為師凡樂

人及音聲人應教習皆著簿籍覈其名數而分番上

下短番散樂一千人諸州有定額長上散樂一百人太常自訪召關外諸州者分為六番關內五番京

兆府四番並一月上一千五百里外兩番併上六番者上日教至申時四番者上日教至午時皆教

習檢察以供其事若有故及不在供奉則輸資錢以充伎衣樂器之用

鼓吹署令一人從七品下周禮鼓人中士六人掌六鼓四金之音所謂雷鼓靈

鼓路鼓鼗鼓鞀鼓晉鼓金錡和鼓金鐻節鼓金鐃止

鼓金鐸通鼓崔豹古今注云漢代鼓角橫吹者始張

騫使西域得摩訶兜勒一曲其後李延年因之立為

二十八解若隴頭折楊柳赤之陽黃鵠覃子望行人

出關入關出塞入塞之曲是也其短簫鐃歌者雜出

漢代多戰陣之聲若思悲翁艾如張上之回戰城南

樹上郎元雲朱鷺之曲是也後漢少府屬官有承華

令典黃門鼓吹百三十五人百戲師二十七人晉遂

置鼓吹令丞屬太常元帝省大樂并于鼓吹哀帝又

省鼓吹而存太樂宋齊並無其官至梁太常卿統鼓

吹令丞及清商署陳因之後魏關文北齊太常領鼓

吹令丞掌百戲鼓吹樂人等事又兼黃戶局常供樂

人衣服等大樂又領清商部隋太常寺統鼓吹清商

二令丞各二人皇朝因省清商并于鼓吹開元二十

二年減一人

丞一人從八品下隋置二人皇朝因之開元二十三年減一人

樂正四人從九品下其說已具太樂樂正下隋清商署樂師二人煬帝改為樂正也

已上鼓吹並朱漆鏡及節鼓長鳴大橫吹五綵衣幡
 緋掌畫蹲豹五綵脚大角幡亦如之其大鼓長鳴大
 笛橫吹節鼓及橫吹後笛簫箏箏等工人服緋細
 帽赤布袴褶金鉦桐鼓工人服青細帽青布袴褶鏡
 鼓簫笳工人服武弁朱襦衣革帶大角工人服平巾
 幘緋衫白布大口袴四品鏡鼓及簫笳工人衣服同
 三品餘鼓皆錄沈金鉦桐鼓大鼓工人服青細帽青
 布袴褶凡鉦鼓並列于道左鼓右鉦大駕之鉦鼓皆
 加八角紫織皇太子之鉦鼓加六角青織
 角紫織王公已降加四角青織
警晨嚴之制大駕夜警十二曲中警七曲晨嚴三通
 皇太子夜警九曲公卿已下夜警七曲
 晨嚴並三通夜警衆一曲轉次而振晨嚴之曲第一
 曰元驎合還第二曰元驎他固夜第三曰元驎跋至
 慮凡大駕鹵簿一千八百三十八人分爲二十四隊
 列爲二百一十四行小駕鹵簿一千五百人分爲二
 十四隊列爲一百二十行東宮鹵簿六百凡合朔之變
 百二十四人分爲九隊列爲三十一行
 則帥工人設五鼓於太社執麾旒於四門之塾置龍

牀焉有變則舉麾擊鼓齊發變復而止馬射則設桐

鼓金鉦施龍牀而偶作焉二人聲作著大儼則帥鼓

角以助振子之唱唐禮鼓角十人爲一隊

太醫署令二人從七品下周禮有醫師上士下士秦

員多至數十人後漢又有藥丞一人魏因之晉氏宗

正屬官有太醫令丞銅印墨綬進賢一梁冠絳朝服

品第七過江省宗正而太醫以給門下省宋齊太醫

令丞隸侍中梁門下省令太醫令丞令班第十一丞

爲三品勳位陳因之魏有太醫博士助教北齊太常

寺統太醫令丞後周有太醫下太夫小醫上士隨太

常寺統太醫署丞令有主藥醫師藥園師按摩咒

禁博士煬帝又置醫監五人醫正十人皇朝因之

丞二人從八品下秦漢以來皆有丞一人至隋

醫監四人從八品下醫正八人從九品下後周有醫

士下士。隋煬帝置醫監五員。醫正十員。皇朝滅之。隋又有藥園師藥生等。皇朝因之。

醫師二十人。醫工一百人。周禮有醫師上士下士。漢有醫工長。第五倫補為淮

陽王醫工長是也。隋太醫有師二百人。皇朝置二十人。醫工一百人。

醫生四十人。典學二人。後周醫正有醫生三百人。隋太醫有生一百二十人。皇朝

置四十人。貞觀後置典學二人。

太醫令掌諸醫療之法。丞為之貳。其屬有四。曰醫師。

鍼師。按摩師。咒禁師。皆有博士以教之。其考試登用

如國子監之法。諸醫鍼生讀本草者。即令識藥形。而

知藥性。讀明堂者。即令檢圖識其孔穴。讀脈訣者。即令述相診候。使知四時浮沈澁滑之

狀。讀素問黃帝鍼經甲乙脈經。皆使精熟。博士月一試。太醫令丞季一試。太常丞年終總試。若業術過於見任官者。即聽補替。其在學九年無成者。皆退。從本

色。凡醫師。醫正。醫工。療人疾病。以其痊多少而書之。

以為考課。每歲常合傷寒時氣瘧痢傷中藥園師以

時種蒔收採諸藥。京師置藥園一所。擇良田三頃。取

生業成補藥師凡藥有陰陽配合。子母兄弟。根葉花實。草石

骨肉之異。及有毒無毒。陰乾採造時月。皆分別焉。凡

八百五十種。三百六十。神農本草經。一百八十二。名醫別錄。一百十四。新修本草。新附一百九十四。有名無

用。皆辨其所出州土。每歲貯納。擇其良者而進焉。

醫博士一人。正八品上。助教一人。從九品上。晉代以

子弟代習者。令助教部教之。宋元嘉二十年。太醫令

秦承祖奏置醫學。以廣教授。至三十年省。後魏有太

醫博士一人。助教二人。貞觀中。減置一人。又置醫師醫

工佐之掌

醫博士掌以醫術教授諸生習本草甲乙脈經分而為業一曰體療二曰瘡腫三曰少小四曰耳目口齒

五曰角法諸醫生既讀諸經乃分業教習率二十人

少二人學耳目口齒一人學體療三人學瘡腫三人學少小及瘡腫五年耳目口齒之疾并角法二年成

鍼博士一人從八品上鍼助教一人九品下又置鍼

師鍼工佐之

以教鍼生也鍼博士掌教鍼生以經脈孔穴使識浮沉澁滑之候

又以九鍼為補瀉之法一曰鑱鍼取法於布鍼長一寸六分大其頭銳其末令不得深入主熱在皮膚者二曰圓鍼取法於黍粟之銳長一寸六分主療分間氣三曰鍤鍼取法於黍粟之銳長

二寸半主邪氣出入四曰鋒鍼取法於絮鍼長一寸六分刃三隅主決癰出血五曰劍鍼取法於劍令其未如劍鋒廣二分半長四寸主決大癰腫六曰圓利

鍼取法於釐直圓銳長一寸六分主取四支癰暴痺七曰豪鍼取法於豪毛長一寸六分主寒熱痺在脇

者八曰長鍼取法於綦鍼長七寸主取深邪遠痺九曰火鍼取法于鋒長四寸主取火氣不出關節凡此

矣凡鍼疾先察五臟有餘不足而補瀉之肺藏氣肝

藏血脾藏肉腎藏志內連骨髓外通津液以成四支

凡鍼生習業者教之如醫生之法鍼生習素問黃帝

習流注偃側等圖赤鳥神鍼等經業成者

試素問四條黃帝鍼經明堂詠決各二條

按摩博士一人從九品下崔實政論云熊經鳥伸延

戲魏文有五槌之鍛仙經云戶樞不朽流水不腐謂

欲使骨節調利血脉宣通即其事也隋太醫有按摩

博士二十人皇朝因之貞觀中減置一人

又置按摩師按摩工佐之教按摩生也

按摩師四人按摩工十六人隋太醫有按摩師一百二十人無按摩工皇朝置之

按摩生十五人隋太醫有按摩生一百人皇朝武德中置三十人貞觀中減置十五人也

按摩博士掌教按摩生以消息導引之法以除人八

疾一曰風二曰寒三曰暑四曰濕五曰飢六曰飽七

曰勞八曰逸凡人支節府藏積而疾生導而宣之使

內疾不留外邪不入若損傷折跌者以法正之

咒禁博士一人從九品下隋太醫有咒禁博士一人皇朝因之又置咒禁師咒

禁工以佐之教咒禁生也

咒禁博士掌教咒禁生以咒禁拔除邪魅之為厲者

有道禁出于山居方術之士有禁咒出于釋士以五

神神之一曰存思二曰禹步三曰營目四曰掌決五

曰手印皆先禁食葷血齋戒於疆場以受焉

太卜署令一人從八品下周禮有太卜下大夫卜師

兆之法有龜人中士掌六龜之屬主天子卜筮之事

秦漢奉常屬官有太卜令丞武帝置太卜博士後漢

并于太史又靈臺待詔員有龜卜三人易筮二人魏

晉宋齊梁陳無其職後魏有太卜博士從七品下北

齊太常有太卜丞後周有太卜下大夫小卜上士及

又有龜占中士隋太常寺有太卜令丞皇朝因之

丞二人正九品下隋有一人皇朝加置一人

卜正二人從九品下隋煬帝省太卜博士置太卜十

卜師二十人隋置皇朝因之

巫師十五人周禮有男巫女巫無數其師中士巫能

十六人女
巫八人

卜博士二人從九品下助教二人隋有太卜博士助教皇朝因之

卜筮生四十五人隋有卜生四十人筮生三十人

太卜令掌卜筮之法以占邦家動用之事丞為之貳

一曰龜二曰兆三曰易四曰式凡龜占辨龜之九類

五色依四時而用之一曰石龜二曰泉龜三曰蔡龜四曰江龜五曰洛龜六曰海龜

七曰河龜八曰淮龜九曰旱龜春用青靈夏用赤靈秋用白靈冬用黑靈四季之月用黃靈龜上員象天

下方法地甲有十三文以象十二月一交象閏邊土甲有二十八匡法二十八宿骨有六間法六府匡有

八間法八卦文有十二柱法十二時故象天地辨萬物者矣欲知龜神骨白如銀欲知龜聖看龜千里徑

正欲知龜志看龜十字分四時所灼之體而用之春灼後左足夏灼前左足秋灼前右足冬灼後右足

凡兆以千里徑為母兩翼為外正立為木正橫為土

內高為金外高為火細長芒動為水兆有仰伏倚著

落起發摧折斷動之狀而知其吉凶又視五行十二

氣一曰受氣二曰胎三曰養四曰生五曰沐浴六曰死

十二曰墓凡五兆之策三十有六而用三十六筭六變

再變成卦二為甲乙三為丙丁四為戊己五為庚辛

六為壬癸其用五行相生相尅相扶相拆大抵與卦

同凡易之策四十有九用四十九筭分而揲之其變

日交爻四日重爻凡十八變而成卦又視卦之八氣

王相囚死胎沒休廢及飛伏世應而使焉凡八純之

卦十六變而復初為一變次曰二變三曰三變四曰

四變五曰五變六曰游魂七為外戒八為內戒九為

歸魂十為絕命十一為血脈十二為肌肉十三為體

骨十四為棺槨十五為冢墓凡內卦為貞朝占用之

外卦為悔。凡式占辨三式之同異。一曰雷公式。二曰暮占用之。三曰六壬式。凡用式之法。周禮太史抱天時與太畜三曰六壬式。凡用式之法。師同車。鄭司農云。抱式以知天時也。今其局以楓木為天。棗心為地。刻十二辰。下布十二辰。以加占為常。以月將加卜時。視日辰陰陽。以立四課。一曰日之陽。二曰日之陰。三曰辰之陽。四曰辰之陰。四課之中。察其五行。取相尅者。三傳為用。又辨十二將。十二月神。十二將。以天一為首。前一曰騰蛇。二曰朱雀。三曰六合。四曰勾陳。五曰青龍。後一曰天后。二曰太陰。三曰元武。四曰太常。五曰白獸。六曰天空。前盡於五。後盡於六。天一立中。為十二將。又有十二月之神。正月登明。二月天魁。三月從魁。四月傳送。五月小吉。六月勝光。七月太下。八月天閏。九月太衝。十月功曹。十一月大吉。十二月神后。凡陰陽雜占。吉凶悔吝。其類有九。決萬民之猶豫。一曰嫁娶。二曰生產。三曰歷注。四曰屋宅。五曰祿命。六曰拜官。凡歷注之用。六曰。七日祠祭。八曰發病。九曰殯葬。大會。二曰小會。三曰雜會。四曰歲會。五曰除建。六曰人神。凡祿命之義。六曰。一曰命。

三日驛馬。四曰納音。五曰澁河。六曰日月之宿也。皆辨其象數。通其消息。所以定吉凶焉。凡國有祭祀。則率卜正占者。卜日於太廟南門之外。命龜既灼而占之。命龜曰。假爾泰龜。有常之。乃告太常。鄉曰。某日從。乃徹龜也。先卜上旬。不吉。次卜中旬。若卜國

宮中堂。贈大儺。天子六隊。太子二隊。周禮。男巫冬堂。元云。贈送也。歲終以禮送。不祥。其行必由堂。始巫與神。通言。東則東。西則西。可近則近。可遠則遠。無常數。大儺。禮選。人年十二。已上。十六。已下。為儺子。著假面。衣赤布袴褶。二十四人。一隊。六人。作一行也。方相氏。右執戈。左執楯。而導之。一人為方相氏。著假

元衣。唱十二神。以逐惡鬼。鬼伯。食魃。騰簡。食不祥。攬伯。食

咎伯奇食夢彊梁祖明共食磔死寄生。儼者既出乃委隨食觀錯斷食巨窮奇騰根共食蠱。

磔雄於宮門及城之四門以祭焉。

廩犧署令一人從八品下

周禮牧人下土掌牧六牲以供祭祀秦漢內史左馬

翊屬官有廩犧令丞尉後屬大司農後漢河南尹屬官有廩犧令丞魏晉因之宋齊亦有令丞齊職儀令

品第七秩四百石銅印墨綬進賢一梁冠絳朝服今用三品勳位梁太常卿統廩犧令丞為三品勳位陳

因之後魏令從五品下北齊太常寺屬官有廩犧令丞隋及皇朝因之

丞一人正九品上

隋置二人皇朝因之開元二十三年減一人

廩犧令掌薦犧牲及粢盛之事丞為之貳凡三祀之

牲牢各有名數

昊天上帝之牲以蒼犢皇地祇之牲以黃犢神州之牲以黝犢五帝之牲

各以方色犢大明青牲在明白牲宗廟社稷嶽鎮海濱先農先蚕前代帝王孔宣父齊太公廟等皆以太

牢風師兩師靈星司中司命司人司祿及五龍祠司冰諸太子廟皆以少牢其餘則以特牲凡冬至園丘

加羊豕各九夏至方丘羊豕各五五郊迎氣羊凡大豕各二腊祭神農伊耆已下方別各用少牢

祀養牲在滌九旬中祀三旬小祀一旬其牲方色難

備者以純色代之凡告祈之牲不養凡祭祀之犧牲

不得捶扑傷損死則埋之病則易之凡籍田所收九

穀納于神倉以供粢盛及五齊三酒之用若有餘及

穰藁供飼犧牲焉凡供別祀用太牢者則三牲加酒

脯及醢犢羊猪各一酒二凡大祭祀則與太祝以牲

就勝位太常卿省牲則北面告臚乃棄牲以授太官

而用之

兩京齊太公廟署令各一人從七品下


丞各一人從八品上並開元十八年置

太公廟令丞掌門闔灑掃及春秋二仲釋奠之禮

汾祠署令一人從七品下

丞一人從八品上並開元二十一年置

汾祠令丞掌神祀享祭灑掃之制



唐六典卷十四

天保十四

